



Na osnovu člana 2.9 stav (1) tačka 2. i 7, a u vezi sa članom 1.5, 5.3 stav (1), 5.4, 5.6 stav (2), 5.7 stav (1), 5.10, 5.21, 5.22 stav (1), 5.26 stav (1), 5.27 stav (1), 5.29 i 5.32 stav (2) i Poglavlja 14. Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), Centralna izborna komisija Bosne i Hercegovine je, na 73. sjednici, održanoj 04.11.2020. godine, donijela

## **PRAVILNIK**

### **o izmjeni i dopunama Pravilnika o provođenju izbora u Bosni i Hercegovini**

#### **Član 1.**

U Pravilniku o provođenju izbora u Bosni i Hercegovini („Službeni glasnik BiH“, br. 25/20, 38/20 i 63/20) u članu 24.a u stavu (1) riječi “koji posjeduje akt” zamjenjuju se riječima “**kojem je izrečena mjera**” i iza riječi “bolničkom liječenju” dodaju se riječi “**ili je u evidenciji podataka nadležnih institucija o ovim kategorijama lica**”.

U istom članu iza stava (2) dodaje se novi stav (3) koji glasi:

**“(3) Ukoliko birač iz stava (1) ovog člana ne posjeduje medicinski nalaz ili akt nadležnog organa kojim mu je određena obavezna izolacija ili su hospitalizirani, osnovanost zahtjeva iz stava (2) će se cijeniti uvidom u službene evidencije nadležnih organa o ovim kategorijama lica koje se po zahtjevu dostavljaju izbornim komisijama osnovnih izbornih jedinica.”**

Dosadašnji stavovi (3), (4) i (5) postaju stavovi (4), (5) i (6).

U istom članu u stavu (3) koji je ovim izmjenama postao stav (4) iza riječi “dan izbora” dodaju se riječi “**do 9,00 sati**”.

#### **Član 2.**

U članu 31. dodaju se novi stavovi (2), (3), (4) i (5) koji glase:

**“(2) U uslovima izuzetno otežanog ili prekinutog poštanskog prometa uzrokovanog epidemijom virusa COVID-19, kao i u slučaju znatno otežanog poštanskog prometa sa preoceanskim zemljama, birač može dostaviti nadležnom DKP BiH povratnu kovertu za Centralnu izbornu komisiju BiH u posebnoj koverti koja sadrži poštanski žig zemlje iz koje se glasa, a koji će se prihvatiti i brojati pod uslovima iz stava (1) ovog člana.**

**(3) DKP BiH poštu iz stava (2) ovog člana šalje Centralnoj izornoj komisiji BiH najkasnije u roku od tri dana od dana završetka izbora.**

(4) Listu zemalja iz stava (2) ovog člana utvrđuje Centralna izborna komisija BiH na osnovu informacija Ministarstva vanjskih poslova BiH potvrđenih od strane javnih poštanskih operatera.

(5) Instrukcijsko pismo o načinu prijema i slanja povratne koverta iz stava (2) ovog člana Centralna izborna komisija BiH će dostaviti Ministarstvu vanjskih poslova BiH radi obavještenja birača putem DKP BiH.”

### Član 3.

Ovaj pravilnik stupa na snagu narednog dana od dana donošenja, a objavit će se u “Službenom glasniku BiH”, “Službenim novinama F BiH”, “Službenom glasniku RS”, “Službenom glasniku Brčko distrikta BiH” i na internet-stranici Centralne izborne komisije BiH [www.izbori.ba](http://www.izbori.ba).

Broj: 05-1-02-2-958-6/20  
Sarajevo, 04.11.2020. godine

Predsjednik  
*Bakalar*  
Bakalar

